



[idcarmenia@gmail.com](mailto:idcarmenia@gmail.com)

<http://www.idcarmenia.am>

Դեկտեմբերի 4, 2025թ.

**Կարծիք  
Փողքաստերներ Նարեկ Սամսոնյանի և Վազգեն  
Սաղաթելյանի նկատմամբ քաղաքացիական հայցերի և  
քրեական հետապնդման մասին**

**ՓԱՍՏԵՐԸ**

2025 թվականի նոյեմբերի 12-ին Ազգային ժողովի նախագահ Ալեն Սիմոնյանը հայց է ներկայացրել Երևանի ընդհանուր իրավասության դատարան ընդդեմ «Իմենեմիմի» փողքասթի վարող Վազգեն Սաղաթելյանի (դատական գործ թիվ [ԵԴ2/12193/02/25](#)): Հայցվորը դատարանին խնդրել է պարտավորեցնել պատասխանողին հրապարակայնորեն ներողություն խնդրել իրենից՝ տեղադրելով համապատասխան հայտարարություն ֆեյսբուքյան անձնական էջում կամ առնվազն հինգ հազար տպաքանակ ունեցող տպագիր մամուլում՝ այդ տեքստում նշելով հետևյալը. «09.11.2025.-ին [www.youtube.com](http://www.youtube.com) կայքով ուղիղ էթեր հեռարձակվող «LIVE. 3-րդ նախագահի հետ մեր թողարկման, դրա արձագանքների և հիստերիկ նուպաների մասին «Իմենեմիմի # 223» վերնագրով փողքասթի ժամանակ կատարել եմ արտահայտություններ պարոն Սիմոնյանի վերաբերյալ: Հայտնում եմ, որ իմ կողմից կատարված արտահայտություններն իրենց մեջ պարունակում են վիրավորական արտահայտություններ Ազգային Ժողովի նախագահ Ալեն Սիմոնյանի վերաբերյալ, ինչի համար ներողություն եմ խնդրում պարոն Սիմոնյանից»: Հայցով պահանջվում է նաև բռնագանձել պատասխանողից 1 միլիոն դրամ՝ որպես տեսանյութում տեղ գտած վիրավորանքի համար փոխհատուցում, ինչպես նաև 410 հազար դրամ՝ որպես դատական ծախսերի հատուցում: Սույն փաստաթղթի պատրաստման պահի դրությամբ դատարանը դեռ չէր կայացրել հայցադիմումը վարույթ ընդունելու որոշում:

Նույն օրը ԱԺ նախագահ Ալեն Սիմոնյանը նման հայց է ներկայացրել նաև ընդդեմ «Իմենեմիմի» փողքասթի մյուս վարողի՝ Նարեկ Սամսոնյանի (դատական գործ թիվ [ԵԴ2/12196/02/25](#))՝ միևնույն փաստական հիմքերով և պահանջներով: Սույն գործով նույնպես վարույթ ընդունելու մասին որոշում դեռ չի կայացվել:

Դատական հայցերը ներկայացնելու հաջորդ օրը՝ 2025 թվականի նոյեմբերի 13-ին, Վազգեն Սաղաթելյանը և Նարեկ Սամսոնյանը ձերբակալվել են: Լրատվամիջոցներում և սոցիալական ցանցերում տարածվել են տեսանյութեր<sup>1</sup>,

որոնցում երևում է, թե ինչպես է դա իրականացվել: Ավելի ուշ խուզարկություն է կատարվել փաստերի ստուգման և տեղեկատվական [antifake.am](http://antifake.am) կայքի գրասենյակում, ինչի արդյունքում առգրավվել է ողջ տեսանկարահանող տեխնիկան: Այնուհետև ձերբակալվել է կայքի լրագրող Դավիթ Ֆիդանյանը, որը մոտ 60 ժամ անազատության մեջ գտնվելուց հետո ազատ է արձակվել: Հաջորդ օրը՝ նոյեմբերի 14-ին, ձերբակալվել է նաև կայքի մեկ այլ աշխատակից՝ Իշխան Խոսրովյանը, որը մի քանի ժամ անց ազատ է արձակվել:

Քննչական կոմիտեի խոսնակի հաղորդմամբ՝ Նարեկ Սամսոնյանին և Վազգեն Սաղաթեյանին առաջադրվել է մեղադրանք Քրեական օրենսգրքի 297-րդ հոդվածի 2-րդ մասի 1-ին և 3-րդ կետերի հատկանիշներով (խուլիգանությունը՝ մի խումբ անձանց կողմից և տեղեկատվական կամ հաղորդակցական տեխնոլոգիաներն օգտագործելով): Նոյեմբերի 13-ին ԱԺ նախագահ Ալեն Սիմոնյանը լրագրողներին տված [հարցազրույցում](http://haryegh.am) նշել է, որ նրանց նկատմամբ քրեական հետապնդումը հարուցվել է իր դիմումի հիման վրա՝ այն բանի համար, որ նրանք եթերում իր հասցեին հնչեցրել են վիրավորանքներ ու սպառնալիքներ, և որ այդ գործողությունները նաև խուլիգանական արարքներ էին: Նոյեմբերի 14-ին Նարեկ Սամսոնյանը և Վազգեն Սաղաթեյանը երկու առանձին դատական ակտերով կալանավորվել են երկու ամիս ժամկետով: Քրեական գործով նախաքննությունը շարունակվում է:

## ԵԶՐԱՀԱՆԳՈՒՄ

Մինչև ձերբակալվելն ու կալանավորվելը, Նարեկ Սամսոնյանը և Վազգեն Սաղաթեյանը համատեղ հեղինակել և վարել են «Իմնեմնիմի» փողքասթը, որը [antifake.am](http://antifake.am) տեղեկատվական կայքի մաս է կազմում: Այդ փողքասթի թողարկումներն ունեն պարբերականություն, մշտական անվանում և հերթական համար, տարածվում են առցանց տիրույթի մի քանի հարթակներում՝ անսահմանափակ թվով անձանց համար: Արժարժվող թեմաները, որպես կանոն, վերաբերում են Հայաստանի ներքին և արտաքին քաղաքականությանն ու դրա դերակատարներին: Նշված փաստերը թույլ են տալիս բնորոշել տվյալ կայքը և դրա մաս կազմող փողքաստը որպես լրատվական գործունեություն իրականացնող՝ «Զանգվածային լրատվության մասին» օրենքի 3-րդ հոդվածի հիմքով: Հետևաբար, «Իմնեմնիմի»-ի համահեղինակների ու վարողների վրա տարածվում են լրագրողական ազատությունների և պարտականությունների մասին ներպետական և միջազգային իրավունքի նորմերը:

Եվրոպայի խորհրդի (ԵԽ) իրավական համակարգում արդեն ավելի քան երկու տասնամյակ ամրագրվել է այն կայուն մոտեցումը, որ զրպարտության կամ վիրավորանքի համար բանտարկությունն անթույլատրելի է, և որ նման միջոցը համաչափ է միայն այն դեպքում, երբ վիրավորանքը կամ զրպարտությունը ուղեկցվել են ատելության խոսքով և բռնության կոչով: Այս մասին ԵԽ խորհրդարանական վեհաժողովն ընդունել է համապատասխան հանձնարարական<sup>[2]</sup>:

ԵՄ նախարարների կոմիտեն էլ առաջարկել է Մասնակից Պետություններին վերանայել իրենց օրենսդրությունը և պրակտիկան այնպես, որ դրանցում արտացոլվեն արտահայտվելու ազատության երաշխիքները՝ հանրային շահի, համաչափության, ողջամիտ հրապարակման և այլ համապատասխան իրավական պաշտպանության հիմքերը: Հաշվի առնելով, որ քրեական հետապնդումը և բանտարկությունը լրջորեն վտանգում են արտահայտվելու ազատությունը, ԵՄ նախարարների կոմիտեն նաև առաջարկել է Մասնակից Պետություններին առաջնորդվել Մարդու իրավունքների եվրոպական դատարանի որոշումներում արտահայտված դիրքորոշումներով, ըստ որոնց՝ բանտարկությունը լրագրության հետ կապված իրավախախտումների համար պետք է թույլատրելի լինի միայն բացառիկ հանգամանքներում, մասնավորապես, երբ նման իրավախախտումներին գուցահեռ լրջորեն խախտվել են այլ հիմնարար իրավունքներ, օրինակ, հնչեցվել է բռնության կոչ կամ ատելության խոսք:<sup>[3]</sup>

Վերոհիշյալ փոքրաթի խնդրո առարկա թողարկման ընթացքում վարողները հնչեցրել են հայեցողություններ և այլ անվայելուչ արտահայտություններ, ինչը Խորհուրդը խիստ անթույլատրելի է համարում: Սանձարձակ բառապաշարն ու վիրավորանքները չեն կարող ընդունվել որպես հանրության հետ հաղորդակցվելու ձև և պետք է ստանան իրավական գնահատական: Միևնույն ժամանակ, շատ կարևոր է, որ այդ գնահատականը և դրանից բխող պատասխանատվությունը լինի համաչափ, հիմնավորված և արդարացի:

Տվյալ դեպքում, ինչպես ցույց են տալիս փաստերը, նույն արարքի առնչությամբ Նարեկ Սամսոնյանի և Վազգեն Սաղաթելյանի դեմ հարուցվել են և՛ քաղաքացիական դատական գործեր, և՛ քրեական հետապնդում: Խորհուրդը սա անընդունելի է համարում:

Տեսականորեն հնարավոր է, որ միևնույն փաստերի հիմքով անձը ենթարկվի և՛ քաղաքացիական, և՛ քրեական պատասխանատվության, սակայն լրատվական գործունեություն իրականացնելու պարագայում դա կարող է իրավաչափ համարվել միայն այն դեպքում, երբ քրեական պատասխանատվությունը չի նախատեսում բանտարկություն: Լրատվամիջոցի ներկայացուցչի բանտարկությունը վիրավորանքի կամ զրպարտության համար, անկախ դրանց ծանրության աստիճանից, անհրաժեշտ չէ ժողովրդավարական հասարակությունում: Այս լույսի ներքո են ներկայումս դիտարկվում հասարակական հարաբերությունները Եվրոպայի խորհրդի տարածքում: Ավելին՝ քրեական հետապնդման շրջանակում նույնիսկ նվազագույն գումարի չափով տուգանք սահմանելը խնդրահարույց է, քանի որ այդպիսի սանկցիայի առկայությունը ինքնին արտահայտվելու ազատության իրավունքի վրա սառեցնող ազդեցություն է թողնում (*Մորիսն ընդդեմ Ֆրանսիայի*, թիվ 29369/10, ՄԻԵԴ, 23/04/2015, կետ 176): Հետևաբար, Նարեկ Սամսոնյանի և Վազգեն Սաղաթելյանի դեմ քրեական հետապնդում իրականացնելը և նրանց բանտարկելը Խորհուրդը դիտարկում է որպես անհամաչափ միջոցներ: Նրանց արարքը՝ վիրավորանքը, պետք է իրավական գնահատականի արժանանա միայն քաղաքացիական օրենսդրության շրջանակում:

Ինչ վերաբերում է քրեական հետապնդման մարմնի դիրքորոշմանը, որ փողքաստի վարողների օգտագործած վիրավորական արտահայտությունները խուլիգանություն է, Խորհուրդը դա համարում է վտանգավոր նախադեպ: Հրապարակային վիրավորանքը խուլիգանություն որակելով՝ այդ մարմինը, ըստ էության, քողարկված կերպով վերականգնում են նախկին քրեական օրենսգրքի տխրահռչակ 137.1 հոդվածը (ծանր վիրավորանքը), որը խստորեն քննադատվել էր Հայաստանի քաղաքացիական հասարակության և մարդու իրավունքների պաշտպանության միջազգային կառույցների կողմից ու այդ պատճառով հեռացվեց օրենսգրքից՝ որպես ազատ խոսքը վտանգող նորմ:

Վերը նշվածի համատեքստում պետք է դիտարկել նաև [antifake.am](http://antifake.am) կայքի գրասենյակի խուլիգանությունը և խմբագրության տեխնիկայի առգրավումը: Դատելով նրանից, որ խնդրահարույց արտահայտությունները հնչեցվել են հրապարակայնորեն՝ առցանց տիրույթում, տրամաբանորեն կարելի է ենթադրել, որ ուժային կառույցի՝ ԱԱԾ-ի, բիրտ գործողությունների կարիքը չի եղել: Նարեկ Սամսոնյանին և Վազգեն Սաղաթելյանին մեղսագրված խուլիգանության հանցակազմի ապացույցներն առկա են համացանցում ու հասանելի են բոլորին, և խուլիգանության և տեխնիկայի առգրավման միջոցով դրանց հայտնաբերման և ամրագրման անհրաժեշտությունը բացակայել է: Անկախ նրանից, թե քննչական մարմինը ինչ նպատակ է հետապնդել՝ նման գործողություններ կատարելով, փաստ է, որ դրանց արդյունքում խաթարվել է լրատվական գործունեությունը, որը շոշափում է հանրային շահը:

Անընդունելի է Նարեկ Սամսոնյանին և Վազգեն Սաղաթելյանին ձերբակալելու եղանակը: Նախ՝ ձերբակալողների թիվը մի քանի անգամ գերազանցում էր ձերբակալվողների թվին, երբ վերջիններս ոչ մի դիմադրություն ցույց չէին տալիս: Բացի այդ, հարց է ծագում՝ ի՞նչ նպատակով էր տեսանկյան հարանվում ձերբակալման ընթացքը, երբ քրեական հետապնդման մարմնի մի քանի աշխատակիցներ ձերբակալվողների թերը ոլորելով նրանց դուրս էին հանում իրենց բնակարաններից՝ ընտանիքի անդամների, հարևանների, հասարակության ներկայացուցիչների աչքի առջև: Կամ, ի՞նչ հիմքով էր ձերբակալում իրականացնող ծառայողը արգելում քաղաքացուն տեսանկյան հանդեպ հասարակական վայրում կատարվող ուժային գործողությունը: Խորհուրդը հայտարարում է, որ ձերբակալման ժամանակ կիրառվել է անհամաչափ կոշտ ուժ, ինչի նպատակն էր ոչ թե ապահովել հասարակական անվտանգությունը, ձերբակալվողներին անվտանգ տեղափոխելը կամ նրանց անօրինական դիմադրությունը չեզոքացնելը, այլ այդ անձանց նվաստացնելը: Խորհուրդը հույս է հայտնում, որ, անկախ համապատասխան դիմումի առկայությունից, իրավասու պետական մարմինը անհրաժեշտ քննություն կիրականացնի վատ վերաբերմունքի փաստի մասով, և մեղավորները կենթարկվեն պատասխանատվության:

Եզրափակելով՝ Խորհուրդը գտնում է, որ իշխանությունները Նարեկ Սամսոնյանի և Վազգեն Սաղաթելյանի արարքին արձագանքել են ոչ համաչափ, ինչպես նաև՝ նրանց ենթարկել են արժանապատվությունը նվաստացնող վատ վերաբերմունքի:

## Տեղեկատվական վեճերի խորհուրդ

**Շուշան Դոյդոյան** (Խորհրդի քարտուղար) – Ինֆորմացիայի ազատության

կենտրոնի նախագահ

**Բորիս Նավասարդյան** – Երևանի մամուլի ակումբի պատվավոր նախագահ

**Արա Ղազարյան** – «Արա Ղազարյան» իրավաբանական գրասենյակի տնօրեն

**Արամ Աբրահամյան** – «Առավոտ» օրաթերթի գլխավոր խմբագիր

**Աշոտ Մելիքյան** – Խոսքի ազատության պաշտպանության կոմիտեի նախագահ

**Օլգա Սաֆարյան** – Փաստաբան

<sup>[1]</sup> Նարեկ Սամսոնյանի ձեռքբերված տեսանյութը հասանելի է այս [հղումով](#), իսկ Վազգեն Սաղաթելյանինը՝ հետևյալ [հղումով](#):

<sup>[2]</sup> ԵԽԽՎ խորհրդարանական վեհաժողովի թիվ [1577 \(2007\) հանձնարարական](#). Դեպի դեֆամացիայի ապաքրեականացում: Կետ 17.1 և 17.5:

<sup>[3]</sup> ԵԽ նախարարների կոմիտեի [CM/Rec\(2016\)4](#)[1] հանձնարարականը լրագրության պաշտպանության և լրագրողների և այլ մեդիա դերակատարների անվտանգության պաշտպանության մասին: Կետ 6: